



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 551 225; Fax: 033 551 226
E-mail: nasastranka@nasastranka.ba
Web: www.nasastranka.ba

Sarajevo, 26.10.2016. godine

Federalna Republika BiH
F 26 - 10 - 2016
01 05 31191

NAŠA STRANKA

KLUB ZASTUPNIKA NAŠE STRANKE U SKUPŠTINI KANTONA SARAJEVO

Dostaviti:
Predsjedavajuća Skupštine Kantona Sarajevo
Ministarstvo zdravstva Kantona Sarajevo

Predmet: Vijećnička inicijativa

Poštovani,

Svjetski dan hronične opstruktivne bolesti pluća se ove godine obilježava 16. novembra. Hronična opstruktivna bolest pluća sada je već treća na listi uzročnika smrti u svijetu, a glavni čimbenik rizika je konzumacija duhanskih proizvoda. Osim pušenja cigareta i drugih načina pušenja duhana, u ostale čimbenike ubrajaju se dugotrajna i intenzivna izloženost prašini i hemikalijama radne okoline (pare, dimovi i sl.) i zagađenje zraka u zatvorenom prostoru, uslijed upotrebe bioloških goriva za grijanje i kuhanje, u slabo prozračenim prostorijama. Također, često se spominje i moguća specifična uloga atmosferskih zagađenja u nastanku HOPB, jer povećavaju ukupnu količinu udahnutih čestica.

S obzirom da su gore pomenuti čimbenici svi prisutni u našem okruženju te da je trend konzumacije duhanskih proizvoda još uvek široko rasprostranjen u bh. društvu, iz Kluba zastupnika Naše stranke u Skupštini Kantona Sarajevo smatramo da bi Ministarstvo zdravstva Kantona Sarajevo trebalo svakako obilježiti ovaj dan organizovanjem aktivnosti sa ciljem podizanja svijesti o ovom oboljenju i njegove prevencije, kao i da se organizovane aktivnosti promovišu na način da se o njima informiše što veći broj građana.

Pošto je pravovremena dijagnostika od izuzetne važnosti, a primjena preventivnih mjera i blagovremeno lijeчењe usporava gubitak plućne funkcije i održava dobar kvalitet života, podnosimo inicijativu da se na taj dan građanima omogući besplatno spirometrijsko mjerjenje na više lokacija, naravno uz popunjavanje anamnističkog upitnika i pružanje stručnih informacija o ovom oboljenju i preventivnim mjerama koje je potrebno poduzeti. Uzimajući još u obzir da se aktivnim pušačima sa simptomima HPOB uvek preporuči prestanak pušenja, osvještenost o progresivnom toku ove bolesti bi za neke pušače mogla značiti i konačno osvješćivanje o štetnosti konzumacije duhana i duhanskih proizvoda.

S poštovanjem,
Cudic

Klub zastupnika Naše stranke
u Skupštini Kantona Sarajevo

